

# 扶桑通史

六

		和書門	
二	二	七	九
三	九	九	五
冊	架	函	號

庫文閣内		和書類	
五	二	七	九
〇	三	九	五
函	冊	號	類
七			
架			

内閣文庫	
番號	和 27325
冊數	23(6)
函號	150 30



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



宗室傳第二下

明治十四年購求

卷二十七

神祖十一男関口夫人生信康及清德主鶴殿氏生

良祥玉万姫生秀康西郷夫人生德祖及忠吉都摩

姓生正清主及信吉茶阿生忠輝松千代龜姫生仙

千代義直正木氏生頼直頼房遠山氏生女許嫁伊



達忠宗四歳卒有書待上以客礼天下畏其威矣德

惠足服人而加以婚姻結列侯之驩至有天下而不

改是以名主者多所来所往齊承其慶而聯三姓之

親意盖甚勤矣嫁山内一豊者長澤康忠女嫁大須

賀忠政者久松康元女後適菅沼定芳嫁有馬豊氏



者松平政忠女嫁山内忠義者久松定勝女嫁堀忠  
俊者本多忠政女後適有馬康紀嫁蜂須賀至鎮者  
小笠原秀政女嫁黑田長政者保科正直女嫁鍋嶋  
勝茂者岡部長盛女嫁松平家清者久松俊勝女嫁  
加藤清正者水野忠重女嫁福島正則者牧野康成  
女嫁正則子正之者松平康元女正之死弟正勝蒸  
烏嫁田中忠政者康元季女後毛利秀元  
信康四歲歸參織田信長欲親于參以女妻焉甲入  
遠州宇理民作乱敗足助信康擊織原魁復城主于  
足助初神祖遷濱松留信康于岡崎兵冢代官大賀

弥賣岡崎于甲君々々出聞弥誅死還圍長篠信康  
軍于山田救之遂擊甲君于長篠從定遠州攻小山  
甲君將兵救之參兵解圍去信康並大豬先下將西  
曰甲君在前、行在後、行從是兒當徐行神祖悅  
凡每甲君出常從拒之長篠之役公為信長下馬信  
康以為參尾等而甥舅之國也不為下見其將如見  
參將久之夫妻有隙而関口氏之事起前是神祖与  
之書曰聞人之言世子好舞國中化之有備善者雖  
商賈僮奴男奴雜處共舞衣服不飾進退不應節者  
射殺之晝夜飲酒不恤軍國左右迂意輒死是以籍

而無諫者雖大臣恐重過而不言項籍一戰斬三將  
軍勇則勇矣然不免身死國亡特其勇也汝之勇不  
如籍而暴過之方獵見僧無獲汝信左右妄亘繫馬  
後馳數里碎爛死又淫室家不和氏真之亡不以淫  
耶參小於駿而淫過之凡亡國覆家之行盡在汝身  
後今日洗心改嚮勿使而公罹禍書至宜知悉信康  
讀書泣數行下常與忠次忠世不相善心知其所構  
而無自明後賜書快、不樂止酒廢舞不御唯其凶  
虐如故見忠次使尾過岡崎不入乃知其死天正七  
年八月執諸大濱數日遷堀江九月賜死于二股後

公燕諸將優作藤仲光殺兒脫君之子之戲二將有  
愧色云  
忠吉生也以東條家忠嗣絕以三枚橋四万石封忠  
吉為之後使松平康親佐之奧民作亂自阪馳歸詣  
軍會賊平是時年十一也文祿元年封忠為下野守  
娶井伊直政女康子以諸侯軍西至岐阜將拔加藤  
嘉明使監軍迎忠吉而後受其降關原之戰命從直  
政二人將前清洲侯士有可兒吉長者橫槍塞道曰  
正則見命為前鋒誰也將先直政辭以斥候留其軍  
特與忠吉進擊薩兵親斬薩壯士松浦於是封尾六

十萬石為侍從又為從三位左中將薩摩守初直政  
請立忠吉為世子大父保忠隣固言不可乃止忠吉  
雖不得立心善忠隣之言与共善遇之如江都常館  
于大父保氏德祖亦不望直政欲易已迨死悼惜見  
于顏色而忠吉好色外內多嬖人生瘡殆死慶長十  
二年如江都病作卒于大父保忠常家

信吉初為長沢康直養子康直死以穴山信尹從軍  
有功以信吉為之後冒武田氏使撫故甲衆東迂時  
封之佐倉関原之役守西城從封水戸然尪弱不能  
朝見無位号歲餘卒

忠輝生似信康神祖惡之使勿舉母茶阿匱諸皆川  
廣熙所松千代卒為神祖言立為長沢氏後為上野  
从改上総外稍復以多力善騎射愛之封佐倉侯移  
食川中島十八萬石從德祖入朝拜左少將使如大  
阪慶長十四年朝江都老臣皆山廣熙山田長門松  
平親宗詣駿府言忠輝在國不奉法不聽大臣之諫  
茶阿聞之召忠輝面謝因言三臣譖臣使得死罪逐  
廣熙殺長門親宗明年封越信六萬石監北陸軍  
因縱幸臣為苾無忌憚又倚藉上所貴幸司農長安  
探知朝廷之議甲寅留守江都統會津侯山秋侯岩

城侯加納侯等陰備秀吉所辱親如藝侯等者与之  
手書曰日巡城中勿得出門善撫循士卒若有事詢  
重忠乙卯部諸侯自和州入前軍戰已克仙臺侯忠  
輝舅也使人促忠輝戰忠輝將花井義雄震不進是  
時前中大夫廣熙猶冀忠輝之俊未軍所見忠輝不  
戰直入切責忠輝將進仙臺侯又止之曰日莫不知  
地取必遺之俘廣熙知忠輝不可諫而行明日有異  
議不戰神祖使松平勝隆如越責讓曰徵兵辭乏軍  
興至阪望視君上之急不救朝于天子稱病不從潛  
出外捕魚既不辭歸國間道行擅殺幕府之士汝有

大罪七為人臣子有一於斯不免其誅矣我不欲見  
汝勿有未見大漸時見其母茶阿泣曰兒也使謝罪  
不受辭狀百端欺上罔下天地且不容罪無所遁茶  
阿召忠輝至不得見却止藤岡會神祖不起本多忠  
純云請國師居深谷五十日國師不為言初幕府騎  
伊丹弥藏富田太郎逢忠輝于守山前驅言下馬不  
可曰我無二君何言下馬前驅欲撻二子逃待忠輝  
至以刀欲擊左右格殺之然不知何人於是欲歸咎  
子將行安西石馬三三亡捕得送諸有司右馬為監  
察知國陰事言義雄止不及戰忠輝無罪及諸不法

事有司言誅右馬囚義雄于厩橋而慮忠輝作乱召使謝罪至則執遷諸淺熊請自殺不許盡沒其地又遷高山遷諏訪每遷留後者不得從忠輝在越時有飲酒至四斗不醉者殺見其服有甌大可三寸容酒四斗忠輝宝而愛之是時腰甌没湖或二日或三日諏訪侯恐失之杜門不出憲宗時卒

松千代承松平康直後六歲卒

仙千代為平岩親吉養子六歲卒

秀康義直賴宣賴房自有傳

德祖四男茂妃生太宗長九忠長天壽主天德主天

崇主興安主東福后神尾氏生正之其名主嫁池田利隆者榊原康政女嫁前田光高者賴宣女嫁加藤忠廣者蒲生秀行女嫁中村忠一者松平康元女後適津輕信教嫁九條道房者羽柴秀勝女嫁彈正尹好仁者松平忠直女嫁細川忠利者小笠原秀政女嫁東西門跡者道房女凡八人

長九二歲卒

忠長幼多智上與淺妃以太宗病而寡言以為愚欲易之偶因神祖非之不果稍為裁抑食信州十万石明年封甲侯然為淺妃愛之留中不出使稍富祐直

教之放砲得鳴于西城下獻之上变色曰神祖城江  
都曰与世子以未嗣居西城忠長恃親犯上擅弄兵  
于東宮墻垣之間無人臣之禮大不敬茂妃恐離席  
為忠長謝得解猶賞祐直元和五年以駿遠之地增  
為五十万石号駿侯諸侯朝江都先朝駿府進其土  
之所出如神祖時忠長益驕侈既又增以小諸及參  
東為參議後三位左中將進推中納言寬永三年上  
如京師忠長造舟作梁于大猪川上不懌曰大祖建  
江都也函嶺以為城大猪以為池以制天下之變若  
橋可成不足為險毀之乃行遂後朝京師為後二位

推大納言是時茂妃病作忠長日馳三四十里比至  
江都後者四人耳然後不及命作廟陵極宏麗初神  
祖遺命莫雕鏤及有增益建德廟美且大于妃廟而  
大於祖廟於是發諸侯治作祖廟無以先令聞于上  
者山陵興作盖自忠長始也忠長既不得為世子茂  
妃薨失勢意恹恹積懷德祖憂其不從法八年遣就  
國既圍淺間殺猿千三百還乘輜自後刺舁夫々々  
逸捕得斬之俄雪降入寺燒火薪濕不燃親斬執薪  
者後是斬殺甚多以上甚愛之無言者又無良師傳  
怨望有惡言上書請阪百万石不者千秋万歲之後



舉兵自取是時諸不法之事浸淫聞于上薨見月分  
為二曰天將剖地為二一之者在我觀上書深憂之  
請朝不許執其相宜正忠長遺書尾侯水戶侯天壽  
主日上之所問咸忠長所為宜正不豫知願修忠長  
莫及宜正上益怒大宗為上泣請赦忠長病急時出  
前上書見之大宗大哭不復言明年德祖厭代冬發  
列侯二十人之甲駿永井尚政之駿青山幸成之甲  
遷忠長于都留十年正月移諸高崎復執二相既而  
賜死城主安藤重長以上命立垣于屋雷之下忠長  
悟燒書画宝器自頸死

正之為保科氏別有傳  
大宗五男增山夫人生嚴宗振姫生靈仙主夏姫生  
綱重本庄夫人生憲宗諸姫生龜松跡部氏生鶴松  
嫁一條伊実者池田光政女也  
綱重生以俗忌使天壽主母養嚴宗立出之于外食  
十五万石為左中將左馬頭進正三位寛文元年遷  
参議封甲二十五万石十年有司執甲卿大田正成  
嶋田時之是時甲館二府移於三藩而内實不給欲  
貸金縣官酒井忠清知甲侯不聽已屢抑之甲侯怒  
欲殺之憲宗至性友愛入朝不離其側不得發人亦

無知者然竟以是成病左右逢其醉多斬殺之藩中  
不召延宝中甲侯卒文宗立迨入為世子贈故甲侯  
權中納言嗣位贈征夷大將軍正一位大政大臣  
龜松三歲卒  
鶴松數月卒  
憲宗子傳姬生明信主德松嫁水戶吉孚者鷹司輔  
信女又養尾綱誠二女一則夭一嫁前田吉治保科  
正邦所聘者清閑寺熙貞女享保中嫁于薩  
德松生二歲嚴宗以憲宗為世子立德松代為館林  
侯憲宗立詢立世子于三藩水戶侯曰故甲侯早死

不嗣以甲侯為世子大宗以下皆繼之甲侯立以今  
館林侯為世子讓位有位豈不美乎上不能從立德  
松為世子更名緝熙三年薨

文宗四男右近生家千代源免生大五郎虎吉及諸  
姬之子咸死于襁褓之中勝田夫人生章宗  
德宗四男大从保夫人生信宗竹木氏生宗武諸姬  
生元三与一女咸數月卒谷口氏生宗尹嫁伊達宗  
村者紀侯宗直女也

宗武元服為從三位左中將右衛門督賜德川姓食  
俸三方石信宗立封十方石并參議以上書言事停

朝三年

宗尹元服為從三位左中將刑部卿賜德川姓食俸  
三萬石信宗立封十萬石并參議

史臣曰枝葉不繁本根無所庇是以將興之世孫支  
常盛我國家自參之初至有天下雖周之不億未有  
讓也如夫信定傾巧信孝專斷忠輝不奉法有所由  
然方忠長怨望將得罪之際大國多士無一人之爭  
之者悲夫忠吉不患不得立而善忠隣之守正賢哉  
自古所未聞也其它則定推功真次兄弟之讓足慚  
暴兄弟之孤者

三藩第三

卷二十八

尾敬公德川義直者神祖第八子也字子敬慶長八  
年封為甲侯元服拜右兵衛督遂代忠吉食尾美參  
六十二萬石治于清洲十歲出就國神祖為其幼故  
以之共行阪卿且元來聘一年遷名護屋使列侯十  
九人城烏十六年從如京師拜從三位參議右中將  
城皇宮甲寅如阪軍罷從德祖留天王寺明年神祖  
將遷阪至名護屋為敬公迎婦乃行以在後無軍功  
神祖病大漸謂德祖曰以義直賴宣為兩翼天下不  
可獨立神祖厭代之明年為正三位權中納言寬永

元年城二條三年從如京師為從二位權大納言後  
致從役城江都太宗時賜子光友姓世良田以靈仙  
主妻烏頻進參議右中將從三位慶安三年敬公卒  
光友自江都奔喪留人函闕辭列侯使者賻贈一無  
所受敬公溫克好學著國初年譜成功記神祇宝典  
等書光友又賢尾人歲集熟田相鬪比吏至傷者已  
多又捕行旅祀鶴宮光友欲不改父之道唯令禁此  
二事平居儉素所食一肉一菜而其夫人者上之姊  
也常曰我為女子故為尾夫人見上有德色所求莫  
不獲以木曾增尾為湯沐邑每食常饋珍異後曰婦

養于夫者也而却養夫乎不受小濱侯士殺役夫于  
尾侯館士于寺使自殺光友曰士而殺從罪不至死  
以我之故使自殺之而館之于寺者為僧請我也救  
死而不恐威者僧之職也殺之于其側不救何以為  
僧使吏逐之其以貴不凌人如此為權大納言憲宗  
時老子參議右中將綱誠前賜世良田姓者立為尾  
侯次子義行封伊奈三万石從高須後以兄之子義  
孝為嗣已老義孝卒無後義行有庶兄曰義昌封梁  
川三万石卒季弟義方立義方卒子義真立德宗時  
卒以年不滿十七不得置後先是光友卒謚正公綱

誠立為推中納言卒長子從四位下右兵衛督吉通  
立是時吏或欲擇卒史罷老者罷之而救急吉通曰  
小人不愛四支冒寒苦者以身老妻子有所託也今  
棄老者何以得壯者之力不聽章宗時卒于推中納  
言子五郎太立三月卒贈參議吉通弟曰義孝繼友  
通溫宗春義孝前為高頂侯後於是立繼友為尾侯  
以前所食二万石典通溫享保中有狂易疾因除繼  
友為推中納言卒侍從主計頭宗春立三遷拜推中  
納言初繼友以上自紀侯登大位已不得立不能不  
慊于中為病卒又廢通溫不置梁川後宗春望之作

書誹謗朝政上崇儉約因益示奢侈不奉法府立戲  
場不設禁尾政大壞居江都時常出微行無日夜与  
富商賈豎為豪華相傾五月五日為子万五郎建神  
祖所賜敬公之旗自後門延觀及市井夫婦示諸續  
飾刀槍甲冑宗春躬服奇衰服倚樓臨視不曾隱蔽  
自尾至江都道上之儀仗盡怪瑣上使受尾之事者  
留守瀧川元長江都尹石河政朝畏以法宗春飾辭  
拒之又使知政事兼邑言之不可會尾卿言宗春不  
任承敬侯之業使列侯長者淺野吉長宗室長者賴  
貞賴幸適尾之郎集尾大臣廢宗春立宗勝、光

友孫也父曰但馬守友著宗勝又為但馬守賜故義  
孝邑拜左少將於是立為尾侯以次子義敏代為高  
須侯宗勝寶曆中卒謚懿公  
紀侯德川賴宣神祖第九子也初食邑久野信吉卒  
代封水戶為常陸介移食遠駿五十万石知政事安  
藤直次兼相事從如京師進從三位參議左中將甲  
寅從園阪軍罷從德祖屯天王寺明年命參東衆從  
賴宣請為前軍神祖悅其言曰泉紀之間多与阪者  
後軍任甚重且一戰不克使汝更行然賴宣以不及  
戰為終身之憾是時松平忠次復旧氏分其衆与賴

宣又遺令駿諸衛仕賴宣之狡猾多材藝神祖愛  
之賜名器尤多而自以為承菟裘之業不同尾水其  
相直次憂恐以死抑折終為宗室之望元和二年神  
祖即世賴宣奉命造厝又野明年為權中納言五年  
上親命賴宣為紀侯賴宣未拜如有思惟執政贊之  
而後受寬永元年城二城三年從如京師拜從二位  
權大納言於帝幸二條有司以諸侯從者為道上衛  
直次以賦數聽命賴宣作色曰尾紀等耳若以賦數  
紀為次因直次抵掌曰老臣誤謔所謂逢三歲兒得  
涉者邪君無憂老夫在此見執政咨之不可乃直入

見上于寢殿上許之六年城江都賴宣善察人之所  
毀譽枉已從人嘗曰善容言者以人智勇為己智勇  
不善容者反之是以人材得宜無不竭力所交仙臺  
侯小倉侯柳川侯松代侯所資贍渡邊光吉三刀谷  
孝和龜田高緒所招致大崎長行成天下之豪傑也  
然其求之至精加沼石馬束二轎肩之載母妻与衣  
被各抱一子往來尾濃之郊或薦之賴宣曰右馬居  
津山為世子舍人世子狠有力其君欲殺之不克右  
馬乃執世子以媚其君是而可忍何不可忍雖武何  
為紀碯确少粟立敷府均贏不足其法國有大興作

則以械器之用助之有大賓客則移鷹犬歌舞之錢  
供徵令則假減俸祿常歲有餘各藏其府雖儉歲無  
有不給曾渡海水主五人為雷所擊入洞中幾沒賴  
宣言笑自若曰雷獨不可禽乎聞明鄭正國請兵奮  
將行上不許問可使伐島原者賴宣曰此賊也舉一  
危屬之誰不能成功諸將聞夜襲營以賊尚強賴宣  
曰不然賊之計已窮矣敗不出十日諸將不信竟如  
其言上已誅正雪得賴宣所交通書執改問賴宣  
賀曰賊不稱列侯而假名宗室雖逆無道知天下  
之深戴德川氏也臣身不足惜願絕臣屬籍收臣茅

土剗臣肝腸以安臣庶之心臣之死猶勝于生賴房  
光友執政之臣僉曰紀侯言是紀侯不宜有它心賴  
宣曰詐偽不止是願莫斷賊三數人以備考驗上許  
之罷紀侯井伊直孝曰殺橫揣摩雖蘓張不如也是  
時吏多為耳目者以故探知得書預慮所以對得事  
解然不遣國十餘年或言嗣位初賴宣喫臂祭光陵  
使求之其書有焉上信之乃許就國寬文七年老猶  
欲為國歌一効力曰大祖平阪時已辭位雖燕居及  
朝廷之事危坐聳聽見光貞手搏謂其傳曰項籍不  
言乎劍一人之敵不足學夫臨敵制勝顧將畧如何

耳項籍之所不為而為光貞願之乎於是光貞立為  
權中納言十年上封光貞弟賴純為西條侯賴宣多  
与之宝菟曰以是獻紀侯欲可得賴純信妾之言廢  
長子賴雄立其子賴致賴雄如田邊以為得罪于父  
不當戴日至田辺不下輿後德宗知見寬徵之使者  
未至聞賴政為紀侯嘔血死賴致為紀侯少弟賴安  
代為西條侯卒子賴邑立賴邑致仕以賴致子賴淳  
為後紀侯光貞子綱教為常陸公憲宗以明信主妻  
之是時上無它子以故愛甚遊紀第主言上封綱教  
二弟左少將内藏頭賴職左少將主稅頭賴方各三



万石賴方德宗初名也明年推大納言光貞老參議  
網教立為權中納言宝永二年卒賴職立服未除聞  
父病篤馳歸若山逢其卒毀瘦死贈從三位參議以  
遺令立賴方前明信主所請邑咸復入于官賴方改  
名吉宗遷為中納言宝永五年增与紀州地四百石  
迨入承統以西條侯為紀侯名宗直延享中至從二  
位推大納言奢侈國復貧  
水戸威公德川賴房神祖少子也四歲封下婁以幼  
見愛幸常抱在膝上曾從容問諸子所欲義直曰願  
得大國賴宣曰願得賢臣威公時六歲應聲曰欲得

天下上愕然不言推墜諸地每裁折不得比諸子既  
代賴宣封水戸削五万石從如京師為左少將左衛  
門督賜德川姓攻阪令威公守駿府元和中遷參議  
益三万石寬永三年從朝京師為權中納言六年城  
江都大宗敬威公至以長幼飲酒威公子二十五人  
谷氏出曰賴重光國勿奉三木之次匿之次前居  
京師納女于大納言滋井季吉見寵為夫人於是屬  
賴重于季吉寘光國于家長見之威公不懌不  
為子之列大宗以水戸未置嗣子命其相信吉擇可  
立者群公子聞上之言敬信吉甚謹光國僅六歲呼

信告曰叟未執鞭与之信告出曰是可也言上立為世子拜右少將左衛門督李吉寘賴重居天龍寺欲為僧之次不欲告之勝姬。威公慈母也閔長子而不得為世子為上言之上便徵見封下館是為讚英公內城央威公致役徒興作水戶邸燒大夫請賞出秘書者威公曰我不忘之思惟賞之開傷人之原以它事賞之可矣威公不知字而欲述國史屬之世子歎曰子孫無見我書字三年而書江淹文賦寬文初卒子右中將光圀立是為義公字子龍紀初侯与威公咸方姬子也万姬以孫女欲妻義公。辞

以同姓不通婚姬乃避人閑室以翼相通義公終日正坐不言姬乃止又以超兄立不自安讀伯夷叔齊傳善兄弟相讓欲必傳兄之子以自成其志當威公卒与兄共至柩前請二子。之賴重辞義公曰若竟不許是使弟負不義之名于天下也弟不復主喪賴重乃許時天下榮多殉義公切禁止之明曆庚夜半有砲聲威公警將出止之曰非兵也使問之無丸之砲也驅楓山之盜云遊鉞子港海上有聲潮大至左右走請御船義公不應歌而不止潮亦不至義公既立以為孝莫大續其志選史自神武至小松帝本紀

七十三列傳百七十表志若于名曰大日本史聘天下名士以預著作以為神功后攝政列之后妃大友皇子已立齋之本紀南朝雖微正統也繫之正朔至神施之遷皆前史所不及正為世子時首論定焉威公之志也學士林春勝撰本朝通鑑義公見之多所裁正於是置史館俟後有繼及教成國子皇宮災詔上所燔之書所進多於前帝悅又命撰立坊立后儀水戶置祠官毀淫祠三千新造寺千編不持戒僧為民三百餘人法殺鶴者死吏捕罪人至義公以為不可為禽獸殺人然法不可廢集僧觀之僧無言者陰

教一僧救之赦罪人逐僧不言者憲宗時蓄儒臣髮亦自義公祭之憲宗承統与有力語在堀田正俊事中既參改正休殺正俊于朝死知其為國死親至其家問妻子上親聽越之獄會宗室于殿中位二典于三藩之下義公曰我從三位也居正三位之上乎讓細豐居上上曾馳驛召義公于水戶不俟駕備而行馭夫不知是義公不肖給馬輿駕至乃得行敬上命如此而不阿意旨明信主嫁紀世子為幼故欲為起宅東城使侍中問三藩義公曰不可主內有傳冊外有家令雖在紀邸何慮若以幼故莫若待長且紀世

子居東城大好未知出時如何上曰善然心欲以紀  
世子為太子使成負以其私問可為太子者義公曰  
上春秋方盛不必無子當是時置立子于何地耶万  
一無耶甲侯在矣不可則尾世子在矣不可則紀世  
子在矣又不可則細條可矣何遽勞慮之有上益不  
憚是時世子綱方卒代以其弟綱條讚侯曰易嗣欲  
顯君之義也一之猶可其可復乎必立賴常義公曰  
賴方死而復賴常天下其為利其死固請立綱條而  
怨其兄不嗣死稱病請老上義許之召見拜推中納  
言辭曰致仕之臣不敢當也知政事忠朝趨進曰威

公以納言為水府祖君若不拜水府復無納言義公  
乃受義公以為人事畢矣歸水戶起冢于威公墓之  
東題曰梅里先生墓自撰之銘相地于兩山之間居  
焉僮二十餘人耕田而食如編之民稅厚則憂薄則  
樂僧之投宿比辭去竟不知其為貴人嘗如府城見  
席新曰是非隱士之席不坐本庄夫人家今木下信  
真任烟親藤井德昭仕水戶綱條新立不熟政喜德  
昭之辨欲為大夫水戶相中山信成不可德昭乃矯  
義公命奪信成政稍于國政謂義公曰侯之意欲如  
此謂侯曰納言之意欲如此義公知之未祭德昭恐

誅已知柳澤吉保不善義公告之綱言病狂為國  
之害又恐不能保身以不慎宿衛為今侯之罪吉保  
告正武、、正色曰我主水藩是非小事而不之知  
乎若言者我不任職也且君何從受此語吉保不能  
對罷初義公以議世子不中旨既知其出于忠厚於  
是上使養仙主告義公以正武所聞吉保之事義公  
知德昭所為如江都置酒作猿舞男女無少長咸召  
觀之義公將舞更衣于帳中出書于袖數德昭抽刀  
刺之自背達地不殊執扇出舞見者如不覺其有異  
初德昭与其黨盟每出屬載書于妻曰聞我死燒之

云是日義公使吏掩取之示德昭殺之正武閱其書  
曰殆失太伯網條將殺其妻子戮其黨義公曰禹者  
鯀之子也舜不以為戮德雖不及舜刑不可濫佞口  
之欺人使我父子不悟其非况他人乎盡放之上召  
使講大學義公曰積善之家必有餘慶文王治家盡  
善敬止開周家八百年之基者以止于至善也上稱  
善久之時朝廷益侈靡用浮屠之言禁妄殺生罪殺  
犬者尤多義公布袍皮袴獻犬皮十枚于上曰此水  
戶所多有也辭出都夜稱使者還見甲侯事秘無聞  
既上使者至數錢買魚親割烹与之食遺之耕馬与

一斗之麥謂使者曰田舍翁無酬使者因使尾隱侯  
曰三藩宗室之儀表君以病不能朝見致仕不宜屢  
出義公年七十四卒綱條字九成是為肅公遷參議  
從三位上名鷹司輔信女嫁肅公子吉孚初義公分  
新田四万石封二弟賴元賴隆於是上遊主家封賴  
隆為長沼侯賴元子賴貞為守山侯以前邑歸宗國  
以水戶為三十万石吉孚享保初卒謚恭伯肅公卒  
讚惠公子宗克立字子勳立十年卒謚成公子宗翰  
幼立大夫讚英公松平賴重水戶威公長子封下館侍從右京

大夫會高松侯有罪因除徙英公封高松以使賀即  
位為左少將讚岐守初義公子英公之二子以為己  
有子國不得安不取夫人不孝子水戶卿伊藤友女  
知三木之次女幸有娠陽為病呼置己家至期生男  
已長言英公三悅將為世子義公不得已見之嚴  
宗聞之命為高松侯世子英公老代立是為節公名  
賴常為讚岐守初英公造窟室避雷其相曰窟室甚  
善然不可踰嶺涉海者其制不備也請復改作公乃  
謝相出休立毀為節公為左少將卒英公孫賴豐立  
是為惠公特進德宗如光陵以惠公為大留守卒從

弟賴恒立是為壞公卒守山莊公子賴恭字子敬立  
讚也以使京師進爵位為特進預大議  
額田恭公松平賴元水戶威公第三子也字叔長義  
公以威公命与之四万石上不許而食額田二万石  
恭公知治體以為小人憚違長官有議事使卑者先  
言或請大臣監出納不可曰皂隸之事官司之職有  
制不相侵若大臣侵卑者之職何制之有夫人無不  
自愛何必寵貴不可以貪墨視人也性不驕侈墻皆  
植木束以繩寢庭布沙十年方偏惡浮屠不入傳中  
元燈溫柔居常怡然隸人洒水于庭洒公之衣笑

曰遇人之怒始死然當其叱人目皆盡裂有聞聲愈  
瘡者云著其書傳之後嗣論諸可否憲宗欲以為大  
老有闕說者而止元祿中平子賴貞字子剛從封于  
守山使問義公之病德宗時以長老為左少將好禪  
剛戾為人所憚故謚曰莊公子賴寬字子猛代父戾  
好國初舊事又集古今自天子至士庶之詩曰歷朝  
詩纂

長沼戾松平賴隆水戶威公四子遺令封二万石從  
戾長沼卒子賴如立賴如卒以水戶卿賴福子賴明  
為嗣賴明字子新卒子賴永立

完戶侯松平賴雄威公第七子也天和二年封万石  
卒以兄之子頼道為後列内諸侯享保初致仕子頼  
則立  
史臣曰三藩之始建也外足禁暴而内銷茲邪之謀  
雖有遺令所以為循至矣哉敬公謹慎好學紀公好  
士容諫威公折節奉法子孫世長為藩屏維持大  
統者咸基于斯光友之不下于主義公之崇儒懿公  
之革蔽英公之有讓頼雄之猶介頼田恭公之治頼  
寬之文抑為宗室儀表義公守宋穆之節而取鄧攸  
之誹惜哉

結城保科越智傳第四

卷二十九

越前侯結城秀康者神祖之仲子也生育于本多重  
次方怒其母不遜三年不見之長子信康佯為不知  
抱入見曰容貌已異臣後必得其力信康死稍見愛  
重秀吉欲親參求得一子而養之公乃遣秀康而未  
有往會參人恐害公子笑曰彼自殺子何于我事秀  
吉亦善遇為侍從參河守食万石或以為質子慢之  
秀康立斬之秀吉壯之從如筑石攻山崎降之遷為  
左少將結城晴朝無男子秀吉圍小田原晴朝奉兵  
應之取小山榎本宇都宮至小田原請以女妻秀康



為結城氏之後已致仕秀吉許為於是食結城十萬石奧州亂率兵赴之未至事平後從叱名古屋遷參議秀吉薨流言不止公如阪必以秀康守伏見嘗使伊奈今成祭大衛秀康不遣部署以俟後公閱軍書曰秀康勝我會津之後從至宇都宮會三成及公問孰伐秀康言先三成因留之守宇都宮与之甲曰我被此甲所向皆克今与汝委汝大任景勝未慎勿与戰俟涉河從後擊之秀康曰景勝自守之虜不足慮置忠吉于此足係衆之心臣願從死于三成公曰汝血氣方剛一騎將能之耳我觀諸將無當景勝者故

舉根本委之于汝且諸將之家在江戶汝居此諸將無內顧之心本多正信扇秀康颯足耳語曰幸哉有此子於是秀康乃奉命留宇都宮仙臺侯山政侯佐野侯立山侯中村侯角館侯厩橋矢作小見川板橋土浦松藤咸屬焉世子引軍西秀康從騎五人追与相語其事無聞者上誅三成曰此捷秀康之功也封越七十五万石治于福井是時命秀康擇播越孰欲居長谷部采女曰人言一播二越此殊不然越大而險近二都而扼北陸咽喉非播之比後遭大雪怒采女曰以鄉土欺我神祖使言朝于江都秀康至関

不入砲秀康欲伐閔吏卒愕逃散秀康留越騎守  
閔神祖聞之笑曰閔吏得上策二祖乃觀角抵于越  
邸謹不能禁秀康起左右顧聲廼止二祖稱其有威  
可畏德祖從容問曰北州得無有異對曰有異也水  
皆逆流德祖默然秀康以為與秀賴有兄弟之分憂  
其不能善終言嫁天壽主進內大臣藝侯正則知其  
意屢如福井然後竟絕不通曾有進舞姬者云天下  
第一秀康泪下數行曰嗚乎我不如此姬慶長十年  
為權中納言明年以諸侯築王城有病如白山本多  
俊次見秀康還為父泣康俊曰嘻甚人情不至此既

往見甚瘦帷帳敝不修執手語使撫腹曰如此不復  
相見康俊不能對出曰宜哉俊次之泣為越侯八年  
卒子忠直立從神祖如京為左少將參河守城皇宮  
秀賴作亂與本多忠政督勢州兵遂進攻阪事在前  
田利常中明年又攻阪俄為前軍神祖謂越相富正  
曰忠直不及若江之戰詰且之事恐亦然改行我之  
過也我甚望之忠直聞之切齒曰我必死吉田修理  
故仕羽柴秀長者道軍夜登茶臼山忠直大呼下山  
擊敗山下之兵追北入城植旗放火以攻獲阪將真  
田幸村御宿長則等首凡三千七百級阪平遷參議

忠直以為大增封朝駿府手賜千金茶壺忠直大望  
擲指出墜地而壞輒曰我神祖之適上之長塔而軍  
功無出我右者人生不百年宜及時為樂斷人支体  
屠人腹腸而後樂不者不食登樓射旅人無往來者  
逢孕婦剝之門庭之間什尸枕藉有諫者乃殺人或  
白其反元和三年改越前守是年親斬人傷額稱病  
不朝上知之使人召之不得已行至関原而稱病不  
朝上知之使人召之不得已行至関原而稱病還上  
遣其母中川氏于越喻使致仕又召其弟忠昌等曰  
越侯不致仕以汝為前鋒伐之忠昌曰孰敢逆命至

戰臣請亡直基曰臣不樂生願兄弟同受戮于越中  
川氏如越忠直恚曰兒受越于先君而不受于上  
之命我何也中川氏責曰汝不知有上無忠也不思  
母老伏劍無孝也無忠無孝禽獸之不若也我不子  
汝父之忠直聽其母致仕于光長越相本多成重  
曰君幼多寵難必及上書請仕于朝三却不可上曰  
主無道而不亡者以其相之賢也成重去越其不國  
復無可相者寬永二年從光長封高田二十四万石  
与天崇主湯沐邑二万石分越為四封忠昌于福井  
五十二万石直政于大野五万石直基于勝山三万

五千石直良于木本二万五千石除敷賀丸因忠直  
弟皆封遷忠直居荻原食邑万石二御史監護於是  
上遣人迎主及光長居江都光長後部真田信幸真  
田熊之助真田信政真田信重溝口宜直溝口宜秋  
溝口宜知溝口政勝溝口助勝溝口直勝溝口宜俊  
佐久間勝長佐久間勝高佐久間勝盛織田信昌本  
多政顯戸田忠能北條氏宗浚江都隍又致工役于  
光陵慶安三年忠直卒忠直既遷生長頼長良一女  
朝廷以忠直之邑之半与二子仕光長冒永見氏嫁  
女于小栗正矩生大六正矩大父重常天正中送秀

康如阪因仕越貴盛正矩有邪謀施于国以人歸之  
不從者中以法世子死言立長頼子綱國代之為参  
河守綱國德之厚賄光長侍者知其所欲為求美女  
納為妾久之知其見電言曰君老無子万一不諱保  
榮貴尊富如今日我為子之計莫若請君子大六使  
君致仕傳致仕之邑于大六得封德子重子厚  
子何慮光長惑焉正矩因与妾私誨之子大六鵠  
世子死非大六孰立趣光長上書請為使者行  
有期高田文武八百五十人叩上卿荻田主馬門告  
之主馬驚告長良与入諫之光長曰無之遂罷正矩

致仕不得擅出是年正矩家多買芒屨宣言伐二卿  
國中相聚欲殺正矩長良止之是時大老忠清謂侍  
御史典越之事渡邊綱負曰安藤治左重臣而亡越  
其為越耶正矩君之甥而為國之柱石雖有咎猶宜  
宥之當國人欲伐之恐生亂而不動忘身徇國忠孰  
大焉安藤正矩之黨也光長如江都廣瀨侯近榮侍  
御史綱負受執政之言奪長良政復用正矩之黨正  
矩宣言作難埋地火于某商民驚散數日諸官長朝  
附莫背竟不能和執政言上囚長良于荻主馬赤松  
山以靜國人會嚴宗新奔群臣憲宗雅不悅忠清大

疑越之事遣二使于越与岡嶋壹岐厩川方四千石  
本多七左五千石使為卿二子見國人反計從正矩  
曰邪正相攻不至滅亡不止臣等不任職請從是去  
正矩以為去二子國可得也欲逐之光長不能決使  
人詢于政府上召正矩等命知政事重通正武詰問  
正矩曰以臣不肖不有所專為酒井公久世公土井  
公渡邊公皆上所命典越之事雖一事之微無不取  
決重通曰四子為知越之事唯國子之言耳子已為  
相何以取決于人隊長以下見汝之子如見君之子  
四子誰許為朝廷所賜侯之鶴侯不与長良嘗而与

汝宗族食之四子亦豈知之耶正矩不能對重通復  
問長良主馬子國之棟梁也茲臣擅命不知大臣之  
任於何有二子不能對明日上會宗室百官于殿中  
親聽無異遷光長于豫州松山食万石囚細國于福  
山放長良主馬壹岐七左治左于海島殺正矩父子  
削姬路廣瀨之半盡收越宝苑光長居松山八年上  
召還見之閔其老復賜越宝苑食三万石為越甲第  
居之細國還有心疾死以姬路侯仲子長矩為嗣子  
光長老立之後二年封津山十万石文宗時賜名宣  
富事德宗六年卒子茂五郎嗣侯五年卒幼不可

請後上立知清子長熙為津山侯後削五万石益衰  
長熙卒無子以宣維仲子長孝為後  
福井侯松平忠昌秀康次子也幼居駿後宮中偶使  
如江戸德祖留之封姊崎侯改之役為侍從伊豫守  
進從四位下又伐改令未冠者不從軍忠昌聞命下  
元服見德祖愕然与之名賜刀佩之役越相攻改手  
斬改一人破城先登以功從封下妻侯改封松代後  
三年從封高田二十五万石迨執忠直立忠昌為福  
井侯諱曰光長在上曰忠直之罪不宜置後立汝者  
承初侯之後也忠昌曰上之於越至厚然兄而無後

臣義苟不奉命上乃封光長于高田為忠直之後寬  
永元年福井侯忠昌造茂草門三年從朝京師并參  
議九年德祖不豫獨馳至六鄉津吏止諸侯問病者  
乃從海上入江都德祖悅十一年上如京師留忠昌  
守江都明年与木下二万石十三年部松平秀就松  
平直基松平直久木多成重九鬼隆秀城江都正保  
中忠昌卒子光通立以松岡封次第昌勝以吉家封  
季弟昌親光通娶光長女為夫人無子聞妾之子直  
堅居福井欲子養之問光通：、疑其怨已佯驚曰  
無立昌親為世子納所食之邑于官直堅傳望不立

直堅延宝二年竊遣直堅而自殺直堅如江都見大  
野侯直良：、扼掣曰一宗七侯特以我可託我力  
猶能得諸宗国請宗族會食比醉出直堅居上坐敬  
如見福井侯為言所以為言所以為来直堅伏地曰  
願諸君免我死一座大驚相視無先言直良曰諸君  
勿憂直良雖老力請之上咸許之光通聞之羞慚自  
殺直良見昌親曰殺兄而不讓孤匹夫不為昌親病  
之執政曰子不令于父不可得齒免死為大何嗣之  
有強立昌親拜侍從直良望不能直堅又恐其恚死  
語和政事廣之曰直堅死臣何面目見天下人哉貞

死如高野上憂之竟以直堅為備中守食万石昌親  
為侯三年老以次兄昌勝子綱昌為後貞享三年昌  
親道令之侯有狂易之病致仕者国之幸也宗族不  
可乃言上曰綱昌久病不能朝見不可奉上臨民憲  
宗乃起昌親為侯削國之半与故侯二万石終其身  
是年增直矩三万石侯山取增近粟五千石以慰越  
之宗遇昌親甚渥賜名吉品拜左少将越一宗剛復  
而吉品特寬有人壞雲母障吉品曰如此我有之此  
物累人多不復作鷹為犬噬吏拘牽犬者其主恐請  
罪吉品曰其主固當不知雖牽者豈故使噬君之鷹

耶命速出之吉品致仕故侯弟吉邦立越有公田十  
万石章宗寄政于吉邦、、暴于田有不如令者以  
砲親格殺之後無敢違命者顧本多彦左曰以此衆  
戰莫不克數曰不然今天下一家雖惡暴政無所亡  
逃偷生于白刃之下不得去至如兩國相敵去無道  
就有道君何以使此衆吉邦怒不言本多親女放聲  
哭曰彦左在先君時越不削今生無用之時不得施  
其材雖然願勿忽其言吉邦曰善從是遇下稍寬事  
德宗六年卒吉邦兄内匠頭宗昌給事于中數月代  
父為松岡侯於是地入嗣福井侯為侍從卒主稅



頭知清子宗矩嗣見今為侯  
松江侯松平直政秀康第三子也阪之役直政年十  
五居越軍中阪將南條忠成將降使先与藤堂高布  
相聞举火從内起約定未發會謀泄誅後適失火加  
兵以為忠成進攻城直政先越衆而進死者如丘不  
解安藤直次引直政退收越兵神祖怒于今顧見其  
創不言然心悅其有勇阪平代次兄封姊崎通越之  
邑二万五千石上執忠直割大野封直政除前所食  
從如京師拜侍從久之從為松本侯寬永十五年封  
出雲十八万石治于松江領隱岐之政嚴宗使直政

往京賀即位進左少將上遣諸侯于京師者欲進爵  
位也直政生四子卒長子綱隆立婦隱岐于有司延  
寶三年俄病卒仲子近榮分食墾田三万石邑于廣  
瀨坐越之事奪其半後稍復之如故子近時時築刀  
禰之隈列内諸侯近時孫近輝見今為侯叔子隆政  
邑于母里食墾田万石季子直丘代兄為母里侯戊  
駿府自大將將給事于中出為奏者終于奉朝請以  
新莊直詮子直貞為嗣綱隆子綱近平番町焦土既  
分新田万石封弟吉透尋患明致仕立吉透、立  
歲餘卒子宣紘立如京賀女御為左少將復治隱岐

如初侯時初德宗為世子娶伏見王貞建妹使其李  
妹嫁宣維貞建以為非耦不得已于上許之夫人驕  
遇宣維不良憤惋卒夫人之子宗衍立  
姬路侯松平直基秀康第五子也德祖養諸後宮中  
至晴朝卒封以其邑奉結城氏之祀以晴朝尤愛之  
也乙卯斬首五十一級上已執忠直割越勝山立為  
勝山侯後朝京師為後四位下大和守後大野父之  
封山叡侯十五萬石為中國探題後姬路卒朝廷以  
嗣侯直矩幼故後之村上明曆中命造正殿寬文七  
年復封姬路拜侍後憲宗時坐越後之事削八萬石

後之肥田不使後侍後之列後五年增食山叡十萬  
石後故班後五年又後白川食十五萬石卒子基知  
時凡四助大役以新田萬石封弟知清初基知幸臣  
土岐甲為君多買美女謂其相曰公未有世子姬妾  
之中有宜子者因之福也相然之不問其出入基知  
日與婦人飲酒不知外事竭府藏賜于甲又自祭  
取之軍國之用皆盡以其黨主租稅厚斂于民戶口  
衰減無馬給驛享保五年白川民萬餘人踏藉市中  
至城門之下得吏甘心焉相乃執吏之尤貪惡者謝  
百姓數日方定於是甲之共事盡發基知猶與不忍

誅之其無斷如此十四年基知卒竟無子知清子義  
知以地入嗣盡逐土妓之黨以和其國元文中以使  
賀女御拜侍從寬保元年從封姬路自初侯受封十  
移國三封姬路

大野侯松平直良秀康第六子也上巳執忠直以越  
木本封直良從為勝山侯又代兄封大野侍從但馬  
守延寶中卒憲宗後從嗣侯直明封明石六万石造  
知足院成津山老子直常立浚大和川  
直堅子直知襲食万石憲宗時給事于中數月久之  
又為親信卒以廣瀨侯近時子直之為後列內諸侯

德宗封之厭川万二千石歲餘卒定貞子直好立  
會津侯保科正之德祖子也七歲從保科正光如高  
遠事在母靜姬傳正光既昏正之與之保科氏以為  
竟無頭時如駿見正之于駿侯、曰我弟也厚贈  
典之時、為上言迨茂妃薨召居江都正光死代為  
高遠侯德祖厭代命正之興作廟陵是時未顯言德  
祖之子畢役往謁光陵有司議曰高遠侯正之於前  
朝雖不得為子不宜吉服助祭祖廟上以為然使追  
止之然正之謹慎不請服喪既為從四位下肥後守  
從如京師拜侍從寬永十三年以鳥居氏之壘立正

之為山歟。侯二十萬石。明年大治宮室。上居西城。以  
正之。衆守東城。取蘓起。群臣欲使正之為將。上曰。  
神祖之訓有之。西有變則東之顧於東。亦如此。今變  
在西。遣正之就國。正之至山。歟。白岩民謀殺吏作亂。  
正之使人誘召之。捕渠魁十餘人。或曰。他縣之人不  
可擅執。正之曰。我方憂天下。不遑計國。殺而梟之。市  
與羽不寒。而慄無敢為非。上善正之寬猛。當時以為  
可大用。賊平。歸江都。使侍中正信。語從。今以往事有  
不便于國。言勿有所諱。正之曰。臣愚不足。奉命惟止。  
留心庶政。周諏芻蕘。天下萬世之幸也。條數事以聞。

咸見聽納。內城災。率兵巡城下。遂入屯東城。從是行  
出。以其衆衛東城。尋以勞于事。賜獵野州。上又以加  
藤氏之地三十萬石。從正之為會津侯。正之以為踰  
水戶。辭受二十三萬石。領南山之治。以保科氏之名。  
罷。与正光之弟正貞。明不承保科氏也。正之就國。問  
民之所疾苦。免逋債。蠲雜稅。立祐倉。卹行旅。止火葬。  
賞節婦孝子。禁異言。茨色。養民九十以上者。殺產子。  
及巫祝眩民者。咸有刑。不得擅為僧。必言之。吏建寺。  
在二十年之後者。毀之。國大治。時岡山用熊沢良介。  
政繁苛。盡欲廢寺。正之聞之。曰。岡山雖務治。不如鳥

取之寬夫浮屠雖可廢不以道則不如不廢矣  
良人去浮屠後于前如正之之言會津人或刺僧  
爭之中其人死自念無見者訴之不見信甘心受戮  
正之知其自枉問之得其實出之以是尤慎因獄僧  
隱元獻費隱錄正之曰隱元之教出于殺母者若受  
之与殺母者也却不受上既賢正之出入常從侍宴  
為世子理髮拜左少將天皇以神祖德至大號其廟  
曰宮正之上為往祭告焉上病篤執世子之手授正  
之託以後事為大傳秉國柄上已不起居西城三日  
出命興作廟陵修祖廟久之議者以西州水出欲緩

朝鮮使正之曰天災流行無國無之不可為諱緩二  
國之驩是長其災也上乃許受其聘正之嚴正口絕  
不言飲食卧起有節不離常所君子曰大傳誠敬忠  
義使人望而畏之懷而服之有房杜之知兼郭李之  
體可不謂賢乎讀詩至黃鳥之篇傷三良之無辜而  
死立議禁殉死憂輔臣不學曰知慈不知仁何以長  
于國家當今之務興學為急咸以勇武相誇正之曰  
我願當我世無所施勇武京兆尹問湯武之事相對  
學者於聖人之事不有間然不食馬肝不為不知味  
不議放伐不為不知道唯戒臣子勿效此已京兆尹

深然之有贈執政直澄千金茶壺者以問正之  
曰唯公不知我之不受孰敢嘗試直澄心愧大笑以  
稱其義久之正之患明上曰我聞治目傷脾為國家  
自愛勿治偏疾命賜輿詣朝正之前懲由比丸橋多  
弟子謀反惡山鹿高基處士与列侯結婚諸侯信其  
言弟子衆多屬吏暴造言之罪囚諸赤穗以風土記  
亡作會津風土記欲推及天下未及言之會病作老  
上不得已許使致仕然有大事必詢之而行寬文未  
病作令知政事侍中交徃問卒賜銀五千兩以葬正  
之受學于山崎嘉受神道于吉川惟足更以神道授

嘉於是葬以神道令夫人勿預國事嗣侯不肯上封  
而退作家訓与之上所著書于朝子正經嗣為特進  
長岡饑遺之糶正經多病憲宗初傳于弟正容  
使賀立坊拜左少將致工役造三城造皇宮上惡大  
臣強危宗廟思正之輔嚴宗賜正容松平氏及服葬  
文示天下以正之德祖之子也是時兄子正邦為會  
津嗣子名清閑主許之聘會其卒正容為左中將卒  
子容貞立享保中浚龍溝為適長孫理髮拜左少將  
使如京師  
館林侯松平清武甲侯綱重次子文宗弟也初松阪

姬天壽王侍者也與主共冒兵火之難以故甚親愛  
之使家令越智清重卿事之綱重後主居通于姬侍  
者保良生文宗後主知保良復娠出嫁清重、居  
諸別室不敢近生清武、因冒越智氏併姬与清  
重之邑賜清武元祿十五年憲宗如甲邸召清武為  
下總守宝永中封館林二万石賜松平氏拜侍從文  
宗厭代遺命食五万五千石享保九年卒以高須侯  
義行子武雅為嗣好詩及國風室之壁左書視民如  
傷右書納諫能改之字為侯五年卒国人惜之無子  
長沼侯頼明子武光嗣移侯柵倉為右近將監自奏

者兼祠曹信宗時為東宮傳侍從歲餘為知政事  
史臣曰在漢初劉肥以庶長王齊七十餘城子孫以  
為失職快、不循漢法越之宗類此微中川氏所以  
不為吳漢幾希矣會津侯躬艱難熟世故服阿松之  
訓式高遠之賢以親弟扼輿羽之尤以謙遜居阿衡  
之任懿哉議者比諸東平哉德祖之穆獨會津至于  
今越智氏之興与二國同而僅比諸松時已懸隔達  
兩朝之短祚也



Faint vertical text in seal script, likely bleed-through from the reverse side of the page. The text is arranged in several columns, starting from the right edge and moving towards the center.

The left page of the book is mostly blank, showing the texture and color of the aged paper. There are some very faint, illegible markings or ghosting of text visible on the surface.



